

POLOKALAMA PEEHI HE GAGAO MAMA PALA

Fakailoaga mae tau Mamatua

KO E PUIPUIAGA KEHE HAAU A TAMA MUKE MAI HE GAGAO MAMA PALA.

1. Ko e heigoa e gagao Mama pala?

Ko e gagao Mama pala (TB), koe gagao kelea lahi ha kua ufia ai e mama, ti falu a magaaho kua lauia ai foki e falu a tau alaga he tino. Pikitia ai foki e tau tagata malolo, ha koe matagi koho mai he tagata ne moua he gagao na.

2. Puipui fefe a au e haaku a tama mukemuke?

Koe vai huki ne higoa koe (BCG) ka huki aki e lima hema he tama muke. Mitaki lahi ke puipui aki e tau fanau ikiiki mai he gagao Mama pala (TB).

3. Ko hai kua lata ke huki aki e vai puipui ia?

Koe haha iai ni e toko gahoa he tau fanau mukemuke kua tonuhia ke huki aki e vai huki na. Nakai fakaaoga ke huki aki e tau fanau mukemuke oti.

Ko e vai huki BCG kua fakaata ke huki aki e tau fanau mukemuke kua kitia kehe veveheaga:

- Kaeke ke nofo he kaina poke magafaoa mo e tagata ne kua moua poke gagao Mama pala, poke fai tupuna he magafaoa ne kua gagao Mama pala.
- Taha poke tokoua he tau mamatua ne tupu mai ai e tama muke kua iloa koe tagata tupu mai he tau tagata he Atu Pasifika.
- Koe tau mamatua fanau, poke fai tagata he kaina nonofo kehe lima he tautau kua mole poke molea * e ono e mahina he tau motu ne tupu lahi e gagao Mama pala ki ai.
- Poke koe tautau lima fakamua he moui he tama muke to nonofo a ia kehe tolu e mahina poke levaleva foki he motu ne tokoluga lahi e gagao na kiai. *

* Koe tau motu oti tuga e tau koutu ko Austria, Belgium, Canada, Czech Republic, Finland, France, Germany, Greece, Holland, Iceland, Ireland, Israel, Italy, Luxembourg, Malta, Monaco, New Zealand, Norway, Slovakia, Sweden, Switzerland, UK moe motu ko Amelika lahi, kae nakai lauia ai e motu ko Ausetalia.

** Ko e fakakiteaga nei nakai katoatoa. Ko e falu a magaaho kua lata ni ke huki e tama fanau fouu kaeke koe matua he tama na ne fanau he koutu I tua mo e nofo foki kehe motu ne tokoluga lahi e gagao Mama pala ki ai.

4. Koe magaaho fe kua tonuhia kehe tama muke haaku ke huki aki e vai huki koe BCG?

Koe magaaho kua tonuhia kehe tama muke haau ke huki aki e BCG, kua lata ni mo e tau aho gahoa ka mole e fanau mai ke he lalolagi. Maeke ke tutala a koe kehe nosi fakafanau fifine he fale gagao, poke haau a Ekekafo magafaoa. To haha iai e pepa ka fakapuke e koe ke fakamooli to huki e tama muke haau.

5. Fai totogi nakai e vai huki BCG?

Nakai fai totogi kia lautolu kua tutonuhia ke huki.

6. Koe heigoa e mena ka tupu ka oti e huki?

- Ka oti e huki ti to kitia ai e taha matamotu pite kula kehe mena ne huki ai ka mole a taha kehe ono e tau faahi tapu. Ti fai magaaho to mauulu e matamotu ia.
- To haha I ai e pite tote kehe lima.
- Falu a tau magaaho koe pala e mata huki kehe ua e mahina. Kae koe fuafua pihia, ti mitaki ke uufi aki e kala ie meea (ua pili aki e palasita).

7. Kua lata ia koe ke matutaki atu poke ui atu kehe nosi gahua he maaga haau kaeke ke:

- Fakakau tuga e mata fakafoha
- Ka tupu e matamotu he mena ne huki ka mole e ua e aho he oti e huki.
- Kaeke ke molea e ua e mahina he oti e huki

8. Kaeke ke manako a koe ke iloa e falu a tau fakailoaaga foki ti, fakamolemole telefoni atu kia:

Higoa: _____
Telefoni: 262 1855

Gahua: _____

Magaaho Mitaki ke hea mai: _____